

海鷗集存稿卷之上

崇川成 儁盥蓀著 鴛湖王 相惜庵輯

擬謝惠連秋懷

秋心百不似秋聲最能肖長風動故林千里發陰嘯入
戶鳴蛩悲繞樹乾鵲噪耿耿銀漢斜落落明星照攬衣
露氣深流目棘螢耀繁憂集百端遐思過四隩身世誰
復忘形影自相誚不爲苟富貴貧賤豈所好不解獵聲
華名實敢無校未識今人心矧復彈古調願言契素襟
求友勵清操用驅平子愁緬想任公釣榮瘁互往來歲
月易老少結衷伸短歌沈寥恣遠眺

海鷗集存稿卷之上

贈范大在田

廿載兩相見歲月何匆匆中年感聚散人事如飄蓬憶
昔縞紵始行合趣復同陋彼管鮑交願爲雲與龍功名
各努力志行相磨礱一別近十載歸卧滄江東落月照
顏色夢魂千里通千里秣陵道乍見疑夢中浩歌凌月
窟文戰酣秋風天高一鍛羽駿翮羈藩籠人生洵由命
安事文章工我時意不適投筆思從戎苦爲毛錐累難
開兩石弓北走厯幽燕意氣徒豪雄旅食十年慣妙手
仍空空故人復相見惓惓詢初終得失人不計解嘲呼
塞翁遺我白團扇報以青芙蓉所學非所尙故人圭璧

躬撫時再三歎雲泥感飛鴻

題宿豫項王廟

成敗何須論英雄死尙生快心秦一炬高義漢孟羹叱咤風雲變縱橫壁壘驚如何衣錦願要向故鄉行

百丈洪用東坡原韻

萬斛泉源隨地波天孫織錦龍爲梭關奇鑿險詫心目珠璣錯落光不磨繪水有聲石欲轉洪上遺蹟傳東坡千秋想像黃樓上珊珊仙骨衣芰荷彈丸流轉恣嘯傲翻水掣電回湍渦驚起蛟龍不敢怒字中蝌蚪投文河春風二月彭城道詩中景象胸中羅但見黃流瀉城角

海鷗集存稿

卷之上

二

隔岸山勢如奔駝境易險夷不一瞬懷古空羨公委蛇唯應山人雙白鶴歸來猶記當時窠古人不朽不在境逝者如斯其奈何欲語羞同勞悵望毛尖顙禿空煩阿人事代謝驚逝波千秋倏忽一擲梭文采風流足俯仰昔賢遺蹟嗟消磨長洪陡落桑海改驚濤駭浪成平坡路人指點東南望但餘淺水浮菱荷汴泗交流失故道黃流旋入長淮渦我讀公詩見奇險盤空浩氣如渾河元珠一失不可得空使罔象窮搜羅大川可涸石可鑿尋泉知脈無明駝只有四山青未已雲龍作勢猶委蛇景物遷移當境異天教脫盡前人窠今之視昔已如此

海鷗集存稿卷之下

崇川成 儁盥蓀著 鴛湖王 相惜庵輯

懷卓借園

相逢不相識一卷訂交親疾惡知君性憐才許我真看
花酬酢始踏雪往來頻七載匆匆過光陰別後珍

猶憶寒燈對清譚每夜分也曾憐國士時復薄將軍屏
絕老生論咀含莊子文愜心同鼓掌僮僕詫新聞

厄閨生無氣顛危援手時存亡殫心力勞怨任公私征
路披風雨安居費護持感恩並知己在在繫離思

別况知君念娛親願又賒到來仍作客歸去竟無家菽

海鷗集存稿卷之下

一

水貧猶昔匏瓜歎轉加未堪謀負米筆墨寄生涯

初夏同人坐月余體倦早眠惜庵用坡公韻自嘲

次韻自解

山中口長如小年卜晝猶倦矧卜夜造物與人無盡藏
清光招我明月下碧空萬里絕渣滓遙遙河漢銀餅瀉
目眩情移困莫支柳眠欲起如風亞風月從來未肯賒
幾費平生雙不借陳搏老子苦相邀對月清吟讓王謝
意中有月在虛空收光或斂元神舍愚人無夢笑模糊
黑甜味美甘如蔗詩城待築氣先靡酒國未降心已怕
焚琴煮鶴罰有差詰朝分付流鶯罵

後之視今將如何便欲歌詩證今古時覺蜚氣空中呵
夏日登秦郵奎樓

淮海孟城勢鬱盤城隅高閣倚欄干天開畫意千家小
風挾湖聲六月寒雙塔低從閒處立孤帆遠向客中看
徘徊擬賦登臨句齒齒香來沁肺肝

登文游臺

四賢遺蹟峙淮東文采風流一代雄來者易生當境感
古人不死此心同葭蒼露白秋光裏畫意詩情夕照中
猶幸層臺留梵宇秦郎天碧已成空

菜花和黎湛溪河帥韻

海鷗集存稿

卷之上

三

到處看花劇厭頻閉門種菜喜紛陳分來白屋原知味
散盡黃金欲買春佐我饕餮餐秀色憐他桃李委芳塵
等閒識得蒼生面莖草何妨現化身

隣翁拄杖隔籬呼香滿前村酒滿壺三月春光平野駐
一畦花影夕陽扶東陵學圃饒幽興南畝躬耕寄遠圖
佳色亦娛彭澤宰底須占夢到成都

摘滿筠籠歸路斜嚼根風味不爭差香盈十里桑麻地
開避三春富貴家來自田間輝綠野寄人籬下笑黃花
太常贏得清齋慣千畝撐胸邁笋芽

辜負年來百事非灌園心跡映朝暉但看擊壤怡黃髮

未解行春媚繡衣玉版同參矜物薄金鈴自繫惜花稀
從來不慣雕欄護甘讓千芳與萬菲

邱月樓屬寫桃花源圖并題

結廬人境車馬換仙住紅塵人不信淵明幻出桃花源
秦亦無人况魏晉浮邱我友塵中仙象外求象元中元
屬寫武陵三百樹堆垛一一如雲煙天在山中不可見
心上良田窺一線丹青好手疑且嗤界畫全無施采綸
蓬萊雲車天台霞意中何處非桃花山之顛兮水之涯
知是君家是吾家世間萬事皆如此請畫雲山從此始

感懷二首

海鷗集存稿

卷之上

四

雙眼年來一例青惱憊蒲柳望秋零繁華夢少人難老
憂患生多酒易醒不合時宜從我好獨彈古調倩誰聽
閒情賸有游山癖收拾煙霞悅性靈

不薄功名爲友生浮雲心跡樂觀成畏人獨踐千秋約
遲我閒游五岳情春酒亦宜新雨釀秋山都愛夕陽明
眼前盤錯非無故陸地波濤已變更

登塔

浮屠九級聳金闕絕頂登臨俯下方萬里風雲歸指顧
三吳煙火入蒼茫雞蟲世上悲塵夢色相空中悟法王
不是低頭看飛鳥幾忘身在最高鄉

酬盛小雲兼呈蘭移先生

孤吟酬寂寞風雨一天深逝水不稱意好山都上心舊
游還若昨昔感忽成今頗憶陳无咎蕭條孰與斟

咏四面蓮

池邊繞佛記前因霞簇雲連入眼新在水一方無向背
憑欄九曲見精神生成絜矩稱君子妙相分身學化人
我是東西南北客花開十丈總相親

遲蘭

眾草已如此美人胡不來同心勞悵望幽谷漫徘徊入
室久相忘當門幾費猜無慚君子佩莫惜破蒼苔

海鷗集存稿

卷之上

五

丙戌夏秋淫雨四閱月初見明月惜庵有作依韻

奉和

夏秋悵望無明月幾度相思見而難青玉案頭逢舊雨
水晶簾外耐清寒當歡不隔人千里久渴能消雪一團
私祝姮娥光夜夜不辭風露徹宵看

再疊前韻

月到中庭可靜觀一年好景得來難天開玉鏡心先朗
人醉冰壺夜不寒高咏入雲瞻兔魄清潭徹曉試龍團
盛游每待成追憶莫笑眠遲仔細看

和李芷江見寄五古原韻

秋水日溯河所思在淮浦百里明月光兩地同凝伫勞
薪不自由帶水嗟能阻所信君子心在遠敦古處憶昔
聚首時清談追典午行合趣復同塵累棄如土射覆與
敲詩樂事難枚舉君才本謫仙不懈及於古謂我毋患
貧困窮天玉汝斯言銘肺肝寄食求吟侶亦欲獻芻蕘
勤淬修月斧毋忘騰壑心好養翀霄羽多文卽爲富盛
世無終宴任嗤五石瓠須學千鈞弩月暈自生風雨集
先溼礎相感物皆然結衷思一吐今秋接夏陰少得豁
眉宇近喜佳日多秋月照庭戶頗積唱和詩遙足張旗
鼓會當置郵筒遠寄質燕許涼風天末來一聽蒼葭語
海鷗集存稿

卷之上

六

和春堂咏落葉用漁洋秋柳韻

蕭蕭瑟瑟斷吟魂遮莫尋詩夜叩門幾日西風思舊雨
一林明月認秋痕蒼茫屐踏荒山徑搖落蘄添老樹村
有客供書曾積屋辭柯百感不須論

玉樹凋殘夜有霜無邊寒色下陂塘繽紛風掃千金帶
絢爛秋歸七寶箱楓冷吳江驚過客鐘催蕭寺禮空王
飛黃亦有騰霄意蘸筆思題碎錦坊

江關迢遞墜征衣路入淮南景物非秋水乍波形脫畧
夕陽初下影依稀山空古戍聽猿嘯雲起離亭逐雁飛
身世飄零歸路遠就荒三徑故園違

紛紜物態劇堪憐
帳觸亭皋捲暮煙
詩味空迴腸宛轉
秋心易老樹纏綿
寒知松柏原多日
雲臥衣裳不記年
蒲柳若能參剏復
平泉綠蔭在梅邊

新晴

斜陽明雨後
霽色上疎林
小立添詩興
長途慰客心
煙開平野迥
山壓斷雲沈
逸響來清越
秋蟬鳴素琴

旅夜

旅夜不成寐
蕭蕭風雨侵
年華爲客老
愁思與秋深
直木傳商調
寒蛩尙苦吟
五更雞唱處
惆悵一生心

戲馬臺

海鷗集存稿

卷之上

七

一著全輸一局棋
彭城都後此身羈
諸侯自古關中王
天下何人馬上治
落日秋風迷遠道
荒煙蔓草沒殘碑
只餘十丈臺前土
曾見當年衣錦時

放鶴亭

人去亭空鶴不回
滿山黃葉白雲堆
碑陰亦擬新題句
屐印猶疑舊啄苔
高士一生原獨往
羽衣千載應歸來
登臨攬勝無窮思
空對斜陽罄綠醅

和寶松軒秋衰韻兼憶棘闌諸友

老愛閒身少是非
秋風起後未言歸
殘荷尙有絲連藕
衰柳應無汁染衣
舊雨情偏隨地集
暮雲懶不上天飛

遙知文戰江南客振策登山馬正肥

卽事

自歎徒薪拙燒空事可嗟
三人成市虎再飲釋孟蛇
雲本無心出風偏著意斜
山林頑石影空累蜮含沙

無題

隔院歌聲忽繞梁
鏡中憔悴謝鉛黃
思商舊事春如海
看到名花夢亦香
寂寂朱簾愁晝永
迢迢銀漢怨秋長
停針觸處添惆悵
一半因人作嫁忙

擬向花叢護鼠姑
天涯生怕唱驪駒
黃梅雨裏鳩呼婦
綠柳風中燕引雛
祇有一癡酬碧玉
能無雙淚報明珠

海鷗集存稿

卷之上

八

采蓮識得蓮心苦未肯從人泛五湖

彩鸞要入列仙家
夢躡銀虬化莫邪
碧海控龍真似馬
瓊樓呼鳳竟如鴉
蓬萊水淺辜裳易
雲漢人歸抱瑟斜
異卉奇葩渾不識
祇會相識是桃花

鶯鶯燕燕一時新
花笑從知任柳顰
鬬草心情偏自靳
養蠶天氣不能均
冰弦怕奏明如曲
絢服難過妬婦津
兒女英雄原一例
莫愁湖究屬何人

游仙疊前韻

夢到天台過石梁
浮屠世界總金黃
婆娑自識恒春樹
狼藉誰收聚窟香
衣是六銖猶覺重
花開十丈未爲長

岫雲澗水無心動天上人間一樣忙

擬訪孤山大小姑恨無赤鯉當龍駒偶思鶯嶺攀鵬翼
不上揚州借鶴雛音和五弦原寶瑟線穿九曲是珍珠
垂虹秋色東南滿霞綺催人過練湖

問訊蓬萊五百家憑虛遵海辨瑯邪排雲撥霧逢青鳥
鼓浪搏風浴黑鴉手擲丹砂能變化槎通銀漢任橫斜
樽桑朝日紅霞映不是人間頃刻花

麻姑年少喜求新嘖嘖雙成不解顰靈藥許偷原是幻
天花初散幾會均偶來碧落猶迷路乍隔紅牆卽阻津
莫笑邯鄲酣一枕黃粱覺後又何人

海鷗集存稿

卷之上

九

海鷗集存稿卷之上終

余少耽聲律盟蓀世丈客余家每自塾歸必袖詩就質
世丈循循善誘偶有一得必拍案叫絕世丈紹聞衣德
胚胎前光既屢蹟場屋遂挾冊遠游放浪山水之間睥
睨壇坫之上刻燭分韻才藻橫飛間作山水出入南宮
北苑集中題畫詩皆具秋林烟暝石骨自青之致道光
己丑君暫南歸先子夢與君同詠梅花先子得句云春
原人世事花有獨開時醒而不解越日惡耗至乃知韓
孟精誠不以生死間關矣今茲校公遺集重以風木之
悲不知涕之何從也世愚姪王襲之謹識

題麻姑進果圖

山果山花恰一肩
記曾相識大羅天
比來莫問滄桑事
不到人間五百年

浣花日百花草堂祀杜少陵

古人不朽不在境地
以人傳在俄頃寂寞千秋萬歲名
錦江終古留花影
浣花草堂灤西曲
至今士女傳風俗
四月十九傾城行
酣呼雜遝紛徵逐
我讀杜陵小築詩
畏人心事已可知
看花不妨今人共
讀書宜與古人期
吾友惜庵駕湖嶠
百花萬卷才不吝
異地經營趣畧同
遙情遠寄心相印
草堂聯吟風日清
致齋三日交神明
海鷗集存稿

卷之下

二

瓣香酌水昭忠信
風車雲馬遙爲迎
昔公許身比禹稷
才不世用以詩匿
嗜好倘不殊酸鹹
相逢或許曾相識
避囂公定惠然來
大河前橫南有臺
村中白酒亦不惡
一杯爲進桑落醅

題畫

石徑蠶叢闢人家
住翠微天寒山意迴
多帶夕陽歸
高閣倚山椒
登臨蘚色交
迴看飛瀑下
晴雪落松梢
和朱石甫韻贈祝補山

王孫臺畔酒難賒
客裏秋風正憶家
萍合東西惟白水
雨連新舊是黃華
出門已愧山中草
問渡還乘河上槎

千里故人它日晤不曾寂寞到天涯

感懷和李琴生韻

入世天教徹骨寒豪情偏寄五雲端忘機悟徹三生易
稱意吟安一字難懶記炎涼無宿怨不求溫飽有餘歡
窮通得喪須臾事多費人間冷眼看

供養雲煙道不寒娛情多半托毫端投時自顧無長策
來日誰知亦大難刻楮久勞名士笑雕蟲敢博壯夫歡
晦明風雨閒中景欣遇都當畫本看

擬東坡百丈洪用元韵

長洪山東騰驚波震雷破壁龍飛梭巨石激水水嚙石
海鷗集存稿

卷之下

三

金戈鐵甲聲相磨舟師習險循徑熟放舟駕浪高於坡
回首身輕似一葉猛風驟雨摧殘荷出險臨夷意轉眩
急流初緩猶生渦人生局促老牖下如鳥窺籠鼠飲河
名山大川壯奇氣須教異境胸中羅百年鼎鼎駒過隙
日月來往馳風駝與古爲徒信俯仰及時行樂何委蛇
坐隱能除煩惱鑠行吟爲闢安樂窩空諸一切適所適
質之師意其云何毋恃面壁九年意一葦輕試遭譏呵
纖雲四捲舒月波波光電掣飛金梭美人悵望隔秋水
仰看明鏡光新磨憶事裏人發慷慨恨不身居相見坡
清辭麗句凌鮑謝皎皎臨風初日荷苔痕容易沒屐跡

跳珠濺沫驚翻渦蘭漿桂楫隨繫汭空明上下迷銀河
裏中玉筍魚龍起海上鐵網珊瑚羅嗜奇不殊得異味
金盤翠釜珍紫駝遞迥循壑入窈窕水光蕩漾形委蛇
容與洪上恣嘯傲重來應脫前人窠人生有酒不肯飲
攸鬱其如良夜何三百年來無此樂餘子應被青蓮呵
題扇贈劉漢瑄

千里裏人水一方清淮水共別情長欲知海角天涯感
煙樹雲山遠寄將

記得秦淮舊酒樓十年重晤話離愁而今又作十年別
如此相逢易白頭

海鷗集存稿

卷之下

四

題畫

深樹柴關鎖日閒夕陽流水帶溪灣自憐秋思清如許
又寫寒雲幾疊山

峯迴澗陡鬱青蒼適軸閒閒水一方欲向此中人寄語
可能借作讀書堂

斗室香溫自煮茶閒憑筆墨寄生涯朦朧山色迷離樹
遮莫人呼是米家

無邊秋思託荆關木落葭蒼澤國閒記得帆隨湘水轉
曾經九曲看衡山

深樹林中住幾家溪澄帆影映平沙柴門鎖日無人到

山曉風清落棟花

須澆壘塊醉愁醒閒借名山寫性靈不爲雲煙誇供養
愛他相對眼能青

清冷泉聲空谷聞松陰涼浸一溪雲澗阿獨寐人雖遠
樹擁峯回徑自分

盤空鳥道入雲通疊嶂飛泉萬木叢一笑移來歸尺幅
不勞辛苦學愚公

巉巖刻露倚霜柯點染秋光散薜蘿未必穠華謝桃李
此中留得夕陽多

秣陵風景記曾經嵐影溪光入畫屏此日臨池無限思

海陽集存稿

卷之下

五

筆端分得蔣山青

板橋茅屋映平湖深樹江村入畫圖欲寫遠山天際影
前林煙雨已模糊

松陰雨氣欲沉嵐小院門閒樹影涵隔岸晚風雲斷處
數峯青翠似江南

雲樹煙巒合一村雲煙深處是柴門晚風吹過山花落
亂葉飛來帶雨痕

後嶺前山晚寺鐘清鐘聲裏樹陰濃故人曾有游山約
知在雲峯第幾重

青山紅樹一溪長打槳催來笑底忙雞黍故人曾有約

菊花開後要詩償

青鞋布襪記游蹤
歷徧雲山幾萬重
寂寞歸來聊寄意
稱心只有兩三峯

春水膩添紅杏雨
酒旗輕颺綠楊風
江南三月無消息
分付鄉情入畫中

感懷

嘯傲情移水石寰
故鄉蓬島幾時還
杯中獨對唯明月
畫裏重逢是碧山
未易才華流水逝
最關心事落花殷
比來自笑仙緣淺
昧卻靈根得句慙

梅花

海鷗集存稿

卷之下

太

寂寞空山自在春
幾生修到此花身
二分明月留官閣
一夜相思付水濱
風骨自推天下士
色香吟遍古今人
廣平賦後應難繼
只稱繁華不稱貧

桃花

三兩枝花竹外低
胡麻香飯出青溪
夕陽影裏春留迹
流水聲中路不迷
別有風情能解恨
更無言笑自成蹊
劉郎去後栽千樹
紅雨繽紛鳥亂啼

凌霄

淺紅深絳罨長條
翠柏蒼松結久要
根爲纏綿難獨立
花雖依附自高標
赤烏丹鳳尋常見
碧海青天咫尺遙

點筆石欄翹首望倦飛蝴蝶怯風驕

杜鵑

子規聲裏識花魂
婪尾杯中放小園
入蜀青多愁望眼
映山紅徧見
啼痕鄉心枝上三更月
客夢欄邊五色旛
人到天涯易惆悵
感時撥觸憶柴門

蓼花

水落葭蒼澤國空
游龍花豔鯉魚風
沾濡零露垂垂老
搖曳澄波瑟瑟紅
爲抱秋心愁杜牧
曾無別恨惱文通
荒江一種蕭疎意
黃菊丹楓韻許同

海鷗集存稿

卷之下

七